



Kugluggsi.

Dr sens unique dä sehn Ihr do:
Kai Yfahrt und drei Pinkt.
Wo isch dr Schuggerhaptlig wo,
Sobald's bim Kaimlen schtinkt?
Im „Schtärne“ scheinlet er drei Muff
Und sait: Mi sens unique das isch dr Suff.

Tambure hetts in Basel jo,
O Tamburini gnuet,
Au großi Schnurre hämmer schö,
Drum mach Du Dyni zue;
Sunscht kotzisch Du villeicht am Schluß
Sogar ab unserem Ro-Rizinus.

Die scheenschte Käs im Schwyzerland
Die wärde-n-exportiert.
Der Lauer unsere Käshailand
E Fraidedanz vollfiehrt.
De Schwobe wird dr Hunger gschillt,
Dr Eidgenoß si Buuch mit Lecher fillt.

Im Kino hänn sie „d'Scheenhait“ gschpilt
Und „d'Kraft“ persee drzue.
Vom Lohnhof het ain abegschilt
Dä Film loßt-em kai Ruch:
Er klagt, doch s'Gricht, das schiggt-en hai:
S'gäb no kai Paragraph fir blutti Bai.

Im Elsaß kauft me billig y,
z'Milhuuse in dr Schtadt.
Me fillt der Ranze dert mit Wy
Und ladt au billig ab:
„O Baslerbirger kehr zurick
Bloib in der Schwoiz drinn und mach hier
dei Glick.“

Bim Schtraik hett d'Singaleseschau
Im Zolli sich biwährt.
Juscht wäge däm do hett-me-n-au
Die Vegel dert igschpeert:
Mäng Maitli maint: Vo so me Ma
Mecht ich e scheen schwarz-wiß-gschtraift
Buschi ha.